



Peter Olsen
Inatsisartunut ilaasortaq, Inuit Ataqtigiit

**§ 37 naapertorlugu apeqquteqaat nr. 125/2020-mik akissuteqaat –
eqqumiitsuliornermut aningaasaateqarfik (inuuneq naallugu pisartagaqarneq
pillugu)**

Asasara Peter Olsen

Inatsisartut Suleriaasiat naapertorlugu apeqquteqaatinnut qujavunga. Matumuuna
akissuteqaateqassaanga.

04-08-2020
Sagsnr.2020-12445
Dok. nr. 10941081

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Apeqquut 1: *Eqqumiitsuliornermut aningaasaateqarfiup pilersinneqarnissaanut atatillugu
eqqartukkat aamma ilagaat ukiumi ataatsimi imaluunniit ukiuni arlalinni
aaliangersimasunik Statens Kunstfondsimitut inuuneq naallugu pisartagaqarnerup
assipajaavatut pisartagaqarsinnaaneq, soorlu ukiuni tallimani, imaluunniit ukiuni qulini
aaliangersimasumik pisartagaqalersinnaanermut tunngasoq. Tamanna pillugu
apeqqutiginiarpara;*

*A.Naalakkersuisut aappassaaneerinninnermut atatillugu akissuteqaamminni
eqqumiitsuliornermut ataqtigiiffiinik attaveqarnermikkut tunniussassap taassuma
pilersinneqarnerata pitsaaqutai pitsaanngequtaalu pillugit oqaloqatiginnilersaarnert
sumummita killippa?*

Akissut: Nunatsinni Eqqumiitsuliornermut Aningaasaateqarfik pillugu nalunaarusiorneq
maannakkut tulleriarnermi ilanngunneqarsimavoq. Suliaq tamanna pillugu
eqqumiitsuliornermut Naalakkersuisunit oqaloqatigilluarneqarput.

Nersorniarneqarnermi tapisiasat nalunaarutissamik siunnersuusiordermi
ilaatinneqanngillat, tamanna inatsisitigut immikkut tunngavissiiinissamik
pisariaqartitsimmat. Taamaattumik nalilerneqarpoq siunnersuusiami pineqartumi
tamanna pisinnaangitsoq.

Inatsisiliorneq taamaattoq inatsisissamik siunnersuusiordermi periutsit malillugit
ingerlaqqaartariaqarpoq, soorlu attuumassuteqartut pineqartut oqaloqatiginissaat,
tusarniaanissaq aamma Inatsisartunut saqqummiussaqaarnissaq. Oqaloqatigiinnerni
ilanngunneqassaap pineqartumi inatsisiliornerit allanngortinneqarnissaat.

Naalakkersuisut eqqumiitsuliornermut aningaasaateqarfik pillugu eqqumiitsuliornermut
oqaloqateqarnissamut eqqumiitsuliorneq pillugu inatsisiliorneq ilanngunniarpaat,

soorlu tapiissuteqarnermi piumasaqaatissat, tapiissuteqariaasissat il.il. aammattaaq inuuneq naallugu pisartagaqarneq pillugu apeqqut ilanngunneqassalluni.

B. Eqqumiitsuliortoq ataaseq ukiuni ataatsimi aalajangersimasumik pisartagaqalissappat tamanna qanoq naleqarpa?

Akissut: Tapiissuteqartoqartassappat taassuma annertussuserneqarnissaa, soorlu tapiissut isertitanut naapertuussarneqassanersoq isummerfigineqarsimanngilaq, taamaattumik kisitsimmik aalajangersimasumik taasisoqarsinnaanngilaq. Apeqqut A-mut akissutigineqartoq innersuussutigineqarpoq.

C. Inuuneq naallugu, imaluunniit ukiuni aaliangersimasuni pisartagassat sinaakkutaannut suut iluaqutaasumik ilanngunneqarsinnaanerat Naalackersuisunit nassuiaatigineqassasoq kissaatigineqarpoq (ass. isertitanik nalimmassaaneq, agguaassinermi toqqammaviit il.il.)

Akissut: UKA 2019/156-ip aappassaaneerneqarnera innersuussutigineqassaaq Naalackersuisullu tassani imatut ilisimatitsippot: "Tassungalu atatillugu piumasaqaatit qanoq ittut taamatut tunniussisoqarniarnermi aalajangiisuussanersut, tunniunneqartut annertussusissaat, pisariaqassappat isertitanut naleqqussaasoqarnissaa aamma eqqumiitsulioriaatsinut ataasiakkaanut qanoq agguaasoqartarnissaa erseqqissumik paasiniartariaqassapput, matumanilu aamma eqqumiitsuliortut toqussartik tikillugu taamatut tunineqartartut aapparisaannut qimagaasunut aningaasanik kingusinnerusukkut tunniussisoqartassanersoq paasiniaaffigalugu."

Apeqqut A-mut akissutigineqartoq innersuussutigineqarpoq.

Ikinngutinnersumik


Karl Frederik Danielsen